

Меҳнаткашлар ҳуқуқлари ҳимоя қилиниши устидан жамоатчилик назорати таъсирчанлигини оширишга катта аҳамият берилмоқда. 2016-2020 йиллар даврида турли бўғиндаги касаба уюшмалари ташкилотларига келиб тушган 35 мингдан ортиқ мурожаат кўриб чиқилди, натижада иш берувчиларга 2 минг 295 та тақдимнома ва судга 765 та даъво аризаси киритилди, 13 минг 471 нафар ходимнинг меҳнат ҳуқуқи тикланди. Ходимларга жами 833 млн. сўмдан зиёд маблағ ундирилиб берилишига эришилган.

Ўзбекистон касаба уюшмалари Федерацияси Халқаро Меҳнат Ташкилоти, Халқаро касаба уюшмалари Конфедерацияси, Касаба уюшмалари Умумконфедерацияси, хорижий давлатларнинг касаба уюшма марказлари ҳамда Мустақил давлатлар ҳамдўстлиги аъзо бўлган Россия Федерацияси, Белоруссия, Қозоғистон, Қирғизистон, Тожикистон ва Туркменистон давлатларидаги миллий касаба уюшма марказлари билан ўзаро манфаатли ҳамкорлик қилиб келмоқда. Бундай ҳамкорлик ўз навбатида Мустақил мамлакатимизнинг Халқаро ҳамжамоатдаги мавқеини янада оширишга замин яратмоқда.

Дунё миқёсида касаба уюшмалари кунини байрами Австрия, АҚШ, Греция, Индонезия, Канада, Латвия, Сингапур, Франция, Хитой, Швеция каби давлатларда, шунингдек қўшни Қозоғистон Республикаси ва Қирғизистон Республикасида ҳам нишонланади.

Ўзбекистон Республикасида бир қатор касб эгаларининг, яъни халқ таълими, тоғ-металлургия саноати, прокуратура, давлат божхона органлари, қишлоқ хўжалиги, қурилиш, геология, шунингдек, матбуот ва оммавий ахборот воситалари, тиббиёт ва бошқа соҳа ходимлари кунини белгилаш тўғрисида қонунлар қабул қилинган бўлиб, белгиланган кунда касб эгаларининг байрами нишонланиб келинмоқда.

Республикада “Ўзбекистон касаба уюшмалари кунини тўғрисида”ги қонуннинг қабул қилиниши давлат бюджетидан молиявий сарф-харажатни талаб этмайди.

Юқоридагилардан келиб чиқиб, Ўзбекистон касаба уюшмалари кунини ташкил этишни таклиф қиламиз.

Ўзбекистон касаба уюшмалари
Федерацияси раиси

 К. Рафиқов